



3. juni 2024

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

1. **Naalakkersuisut Kalaallit Nunaanni meeqqanut angerlarsimaffiup avataanut inissinneqarsimasunut inatsisitigut illersorneqarnerannut qanoq isummerpat?**
 - a. **Naalakkersuisut immikkuullarissumik Kalaallit Nunaanni meeqqanut pinngitsaalisaa sumik angerlarsimaffiup avataanut inissinneqarsimasunut inatsisitigut illersugaanermut qanoq isummerpat?**
 - b. **Naalakkersuisut sunik immikkuullarissunik pilersaaruteqarpat meeqqat pinngitsaalisaa sumik angerlarsimaffiup avataanut inissinneqarsimasut inatsisitigut illersorneqarnerata nukittorsarnissaanut?**
2. **Suut oqaluuserisassaniippat, Meeqqanut inuusuttunullu Naalakkersuisup, peqatigiiffik MAPI aamma SILA360 apriliip naanerani 2024 naapimmagu?**
 - a. **Suut oqaluuserisat tassannga ataatsimiinnermeersut Naalakkersuisut iliuuseqarfigissallugit toqqarpai?**
3. **Naalakkersuisut oqaaseqaatinut qanoq isummerpa, Kalaallit Nunaat inatsisinik unioqqutitsinerarneqarmat inuit pisinnaatitaaffiinnut nunat tamalaat aalajangigaannut unioqqutitsinerarneqarluni¹?**
 - a. **Naalakkersuisut qanoq isummerniarpat inatsisitigut kinguneqartitsisoqassappat, Kalaallit Nunaata meeqqat pinngitsaaliissummik angerlarsimaffiup avataanut inissinneqartut taakkulu ilaqutaasa inatsisitigut illersorneqarnissaat isumagisimannngimmassuk, toqqaannartumik kingunerisaanik?**
4. **Naalakkersuisut qanoq isummerpat, ICC aamma Inuit Pisinnaatitaaffiinnut Siunnersuisoqatigiit, oqaluuserisamut ilungersunartumut isumminnginnerannut?**
 - a. **Naalakkersuisut Demokraatit isumaqatiginerpaat, pisinnaatitaaffiit inatsisitigullu illersorneqarnerit annertusarneqarneri ukkatarineqarnerusariaqartut ICC aamma Inuit Pisinnaatitaaffiinnut Siunnersuisoqatigiit erseqqissarmassuk nunatsinni maannakkorpiaq pisut unammillernartut?**
5. **Naalakkersuisut isummerfigisassatut siunnersuut UKA2022/131² kinguneqartinniarpaa?**
 - a. **Qanoq iliorluni tamanna ingerlanniarneqarpa?**
6. **Naalakkersuisut qanoq isummerpat, danskit naalakkersuisuisa (Socialministerip) akuersaarneranut, danskit kommuuniisa suli kulturimut tulluussarneqanngitsunik**

¹Sermitsiaq nr. 15, 12. april 2024, side 16-17

² https://ina.gl/media/zg3b5br4/pkt131_em2022_bf33_foraeldrekompetencer_bet_2beh_da.pdf



angajoqqaajusinnaanermut misissuinerit ingerlannerinut?

- 7. Naalackersuisut pisortat neqeroorutaannut aamma/imaluunniit periarfisseerusuppat kingunerlutsitsinermut katsorsartinneq atulernerqassasoq periarfissiisusaaq, pisortat assersuutigalugu peqqinnissaqarfiup imaluunniit kommunini sullissisut privaaticim ingerlasumut kingunerlutsitsinermut katsorsaasumut innersuussisinnaalersillugit?**

(Inatsisartunut ilaasortaq Anna Wangenheim, Demokraatit)

Tungavilersuut

Ulloq 27. april 2024 peqatigiiffik MAPI aammalu SILA360 Nuummi Katuami ataatsimiisitsipput. Tassani saqqummiisut arlallit peqataapput Advokatfirmaet TT-Advokater ilanngullugu, immikkut ilisimasaqalersimasut angerlarsimaffiup avataanut inissiisarnernut aammalu isumaginninnikkut eqqartuussinermut aammalu kingunerlutsitsinermut katsorsaannermut immikkut ilisimasalik (psykoterapeut) peqataallutik. Taakku saniatigut MAPI-p sullitai ataasiakkaannguit peqataapput, inissinneqarsimanerminnut oqaluttuaq oqaluttuaralugu.

Taamatuttaaqq Meeqqanut Naalackersuisoq peqataavoq, oqallitsitsinermulli peqataanani. Ullualuilli qaangiuttut paasinarsivoq, Naalackersuisup ataatsimiisitsinermut aaqjissuussisut naapissimagai, peqatigiiffiullu nuannaarutigisimagaa, tusarnaarluartoqarnera unammillernartunullu aaqqiinissamut kajumissuseqartoqarnera.

Isumaqarpunga, pissusissamisoortoq, ammasumik, suut suliniutit Naalackersuisut peqatigiiffimmut neriorsuutigisimanerai tusassallugit, inuiaqatigiinni soqutigineqartorujussuaq eqqartorneqarmat. Tusarusupparput Naalackersuisut aaqqiissutissatut siunnersuutaat oqallinnermilu peqataanissaa matut matullugit oqallinnermiunngitsoq. Paaserusupparput, Naalackersuisoq pissutsinut annilaarnartunut ernumanartunullu, inatsisilerituut saqqummiussaannut peqatigiiffiullu toqqaannartumik pisinnaatitaaffinnik unioqqutitsisimanermik tikkuaaneranut, qanoq eqqarsaateqarnersut. Meeqqanik inissiisarnermut aningaasartuutit inatsisitigut pituttugaapput. Kommunit tamarmik aningaasatigut ajunaarutigerujussuartaarpat meeqqanik inissiinermut aningaasartuutit matussuserniarlugit. Ajoneruvorli, meeqqat aamma inuusuttut minnerunngitsumillu ilaqutariit pisinnaatitaaffii innarlerneqartarmata, pinngitsaalisamik inissiinerni inatsisit malinneqartannginerat. Tamanna kingunerluutaasarpoq aningaasaqarnikkut aammalu minnerunngitsumik inuttut. Kingunerlutsitsinermut katsorsaaneq neqeroorutaanngilaq, pisortat neqeroorutaanni. Ilisimavarput, kingunerlutsitsinerit kinguaariinnut ingerlaqqittartut, taamaattumillu aamma soqutigaara paasissallugu, Naalackersuisut pilersaaruteqarnersut kingunerlutsitsinermut katsorsaannermik pisortat katsorsaavianni aallartitsinissamut imaasillugu, uagut inuiaqatigiittut akuersaartariaqaripput kingunerlutsitsinerit qaangersimasariaqartut, inuttut peqqissuullutalu nakuussagutta, imminut isumassornermik inuiaqatigiittullu tamarmiusutut tunniussaqsinnaasut.

Kalaallit Nunaanni meeqqat inatsisitigut illersorneqarnerinut ukkatarinninnginneq apeqquteqaatigissavara ICC aamma Inuit Pisinnaatitaaffiinut Siunnersuisoqatigiit (IPS) taakkumi aningaasatigut inatsimmi tapiiffigineqartarmata. Taamaattumik politikikkut kissaatigineqartariaqarpoq, pissutsinut, inuiaqatigiinni amerlasuunut atugarliortunut soqutiginninnissaat.

Apeqquteqaatima ullut suliffiusut qulit iluanni akineqarnissaat qilanaaraara.